

آبونه شرائطی

داخلی ، خارجی هریر ایچون
سنه لای (۲۵۰) ، آتی آیانی
(۱۳۰) فروشدر .

[نسخه سی ۵ فروش ،
سنه لای ۵۲ نسخه در .]

اداره خانه

باب عالی جاده سنده دائرة مخصوصه

اخطارات

آبونه بدلی پشیندر

مسلسله ، وفاق آثار مع المذنبه
قبول اولنور ، درج ابدلین
یازیلر اعاده اولونماز .

الکشاف

سیر ۶ ۱ ۳ ۳ ۰ ۱ ۳ ۳ ۰ ۱ ۳ ۳ ۰

دینی ، فلسفی ، علمی ، ادبی هفته لاق مجموعه اسلامیه در

والله یهدی من یشاء الی صراط مستقیم

باش محمد
محمد عاکف

صاحب و مدیر مسئول
اشرف ادیب

اتیموز اهدکم بیل الرشاد

عدد : ۳۶۲

۹ شوال

نجشنبه

۱۸ تموز ۳۳۴

جلد ۱۴

اخطارات

۱۹۵۷

آدرس تبدیلینده آریجه بش
فروش کوندردلیدر .

مکتوبلرک امضالری واضح
واوقوناقلی اولمسی و آبونه صره
نومردوسی محتوی بولمسی لازمدر .

ممالک اجنبیه ایچون آبونه
اولانلرک آدرس لری نلک قرانلر .
جده یارلمسی رجا اولنور .

یاره کوندردلیدی زمان نه به
داثر اولدیغنک واضحاً یلدرلمسی
رجا اولنور .

مرفوعه ده

روسیه مسلمانلرینک مشهور محرر لرندن عیاض اسحاق افندی طرفندن
فاضل محترم عبدالرشید افندی به کوندریان مکتوبدر :

محترم رشید بابا ،

مکتوبکیزی آلام ، سزه اولا بورانک احوالنه دائر معلومات
ویره جکم . مکتوبکیزه باقیلیرسه بورا احوالنه یک اطلاعکر
یوق . بوراده بولشه ویکلر اداره مملکتی اله آلدقاری کبی بتون
روسیه مسلمانلرینک احوالی مشکل بردوریه کیردی . بولشه ویکلر
بتون دنیایه سوسیالیزم مسلکینی قبول ایتدیرمک خیالاتیه
اوضارشدق لرندن ، بزم روسیه مسلمانلری ایسه مدنی ، ملی ،
دینی حقوقلرینی محافظه فکرنده بولندقلرندن ، بزه اعلان خصومت
ایتدیلر . بتون روسیه مسلمانلرینه بر آغزندن « مرتجع ،
« اختلال علیهداری ، نامنی ویردیلر . شو نقطه نظره بناء قریمک
ملی اداره سنی ده ویردیلر ؛ ترکستانده قان دریالری آقیتدیلر ؛
ایدیلر ساحلنده ملی ، مدنی مختاریتلری طاغیتدیلر وبتون
مؤسسهلری قیردیلر دوکیدیلر . تانارلرک بتون مطبوعاتی ارتجاع
ایله اتهام ایدرک غزتهلرینی قاپاندیلر : وقت ، دورمش ، قورولنای ،
آتسای ، قویاش ، یولدور ، سرای ، ایل غزتهلرینی قاپاندقاری
کبی مطبعهلرینی دخی مصادره ایتدیلر . بی ده « ره وولوسیوننه
تریبونال ، نام محکمه حرییه ویردیلر . شمیدیک قاچماق طریقله
یاشیورم . نه کبی برحکم ویرله جکی معلوم دکل . ملی عسکری
اداره لرمنک کافسفی مارت نهایتلرنده قاپاندیلر . شیمدی بزه
مائد تک بر عسکرمن یوقدر . آروجه ارکان جرب دائره سی
واردی ، اونی ده طاغیتدیلر .

ملی مختاریتک تأسیس وتأمینی ایچون اوفاده ملت مجلسی
اجتماع ایتیش ، برچوق ایشلر کورمش ونظارتلر تأسیس ایتمشدی .
ملته ویرکولر طرح اولمش ، فادتا مستقل برحکومت منتظمه
شکلنی آلمشدی . نه چاره که هپس قیردیلر دوکیدیلر . برچوق
آدملری ده توقیف وحبس ایتدیلر . ملی اداره رئیس صدری
مقصودی شیمیدیک فرار حالنده بولنیور . مالیه ناظرمن اوقا
حبس خانه سننده در . اوچ میلیوندن زیاده ملت پاره سنی خزینه
ملندن مصادره ایتدیلر . شیمدی ایدل - وولغا ساحلنده هیچ
یرشیلر قالمدی . ملتک طاقی ده بیتدی . ایکی اوچ آدم طویلانوب
قونوشمه ییله امکان قالمدی . یازه جق بر ساحده یوق . احوال
نیقولا زمانندن بدتر اولدی .

مسلمانلره تجاوز ایتمکده ؛ ظلم ، غدر ، وحشت اجرا ایتمکده
ارمنیلر غایت مهم رول اوینادیلر . خصوصیه ترکستانده ، خوقند ،
فرغانه ده ارمنیلر فوق العاده وحشتلر اجرا ایتدیلر : اون بریک
خانه ، اوتوز طقوز جامع ، یک جوق مدرسه وچارشولری
یاقدیلر . یکریمی بیکدن زیاده اهل اسلامی ده قتل ایتدیلر .

باکو بوزغونلغنده دخی ارمنیلر بولشه ویکلر ایله برابر مسلمانلره
انواع وحشت ، اشکنجه ومظالم اجرا ایتدیلر .

کندی آرامزدن ده برچوق خائنلر ظهور ایتدی . بتون
مؤسسهلره قارشى فوق العاده خیانتلر ایتدیلر . بونلرک رئیسلری
ملانور واحدوف نامنده برروس مأموری ، استانبولده دخی
بولمش خائن شریف مانائف ، عالمجان ابراهیموف وسائر برطاقم
زمان سابق خفیهلری ... مسلمانلرک بتون تشکیلات وتدابیرینی
روسلره افشا ایتدیلر .

بولشه ویکلر تجارمنی ده عمومیتله یغما ایتدیلر ، نهب وغارت
ایتدیلر . یالکیز قزان مسلمانلرندن درت میلیون تضمینات
آلدیلر . روسلردن ایسه برشی آلدیلر . مسلمانلردن آلدقاری ده
روسلره ویردیلر . اورنیورغ ، اوقا وسائر شهرلردن ده هپ
بویله میلیونلر آلدیلر . کذا ترکستانده یاشیف نامنده یالکیز بر
آدمدن اون یدی میلیون روبله آلدیلر ، تماماً یغما ایتدیلر .
بوسیدین ملت یک خیرپالاندی ، شاشقین برحاله کلدی . بعض آدمار
تورکیه یه هجرت فکرنده بولنیورلر سده شیمیدیک بوکامکان یوقدر .
شیمدی یالکیز بر امیدمن واردرکه اوده بولشه ویکلرک
سقوطی در . آنلرک سقوطلرینی متعاقب احتمال که بر آرز سربستلک
اوله بیلور . مع مافیه بیوک برشی امید اولنه من . زیرا ملت یک
خیرپالاندی . هیچ طاقی قالمدی . آرتق مسلمانلرک استقبالی
یک مظلم ، یک قرانلقدر .

بکا کلنجه بن شیمدی فراری برحاله کزییورم . کچن هفته
بنم قنام ایچون ده سوزلر اولمش ، یک قیمتی آرقداشمزدن
اتحاد اسلامی دو قور جواد یک اوروجنی قتل ایتدیلر . خلاصه
بز بوانقلابدن یک برش چیققد . کندی آرامزده برچوق
خائنلرک ظهوری بزی محو ایتدی .

شیمدی روسیه ده برارتجاع عمومی ؛ هر طرفده فتنه ، عصیان
دوام ایدیور . فقط بولشه ویکلرله آلمانلرک آرهلری ایدر . زیرا
بولشه ویکلر شیمدی آلمانلره لازمدر .

بویله دن صکره روسلرده فوق العاده حسیات دینه اوپاندی .
روسلرک دین حقی بیوک غلیانده در . نیقولای ده یک اوزله دیلر ،
اسکی اداره نک رجوعی ده بید دکلدر .

عثمانلی اسیرلرینه معاونت ایچون برچوق یرلرده خصوصی
قومیسینلر ، آشخانهلر آچیلمشدی . بولشه ویکلر هپس قاپاندیلر .
بوراده هرشی فوق العاده فیناتلی در . قارا اون بودی (برپود
۱۴۰۵ اوقه در) ایکی یوز روبله . (بر روبله ۱۲۰۵ غروشدر)
بیاض اون اوچ یوز روبله ، برکوملک بیقانه سی اوچ روبله ،
ایاق قابی ۲۵۰ روبله ، برقات عادى البسه بیک روبله ، شکر
فوتی (برفونت ۱۲۰ درمدر) ۱۴ روبله در . صوک زمانلرده
نشر ایتدیکم اثرلری بوللارم .

۴ حزیران ۱۹۱۸ ، مرفوعه : عیاض اسحاقی